

Alkateek Trebiñorentzat laguntzak eskatzeko galdegin diete euskal eurodiputatuak

Estrasburgon EA, PSOE, EH, EAJ eta PPko ordezkariak lan egiteko prest azaldu dira

Erredakzioa / Donostia

Trebiño eta Argantzuneko alkateak eta enklabeak hainbat taldetako ordezkariak Estrasburgoko Parlamentua bisitatu zuten atzo. Ondoren euskal eurodiputatuarekin bildu ziren, Trebiñok Europako Batasunetik jaso beharko litzuzkeen diru laguntzei buruz eztabaidatzeko. Izan ere, Trebiñok, Gaztela-Leonen barruan egon eta lurralde horretan eskatzen den 8.000 laguneko biztanleriara ez iristeagatik, ez ditu nekazal garapenerako diru laguntza komunitarioak jasotzen.

ALFREDO ORAA Argantzuneko alkatea eta Juan Carlos Aguilar Trebiñokoa EAKo Gorka Knörr, EAJko Josu Ortuondo, PPko Jaime Valdivielso eta PSOEko Juan de Dios Izquierdo eurodiputatuarekin bildu ziren atzo Estrasburgon. Bilerara De Dios Rosa Diezen ordezkariak ezin izan zuten egon, Itoizko Solidarioekin zegoelako. Bileran antolatu zuen Knörrrek azaldukoaren arabera, Gorostia ados zegoen bileran eztabaidatu zenarekin. Bileran, Trebiñoko bi alkatez gain, UDA-Trebiñoko eta Zortzigarrena fundazioko sei ordezkari egon ziren.



MIKEL MARTINEZ

Trebiñoko alkateak eta UDA eta Zortzigarrena fundazioko kideak atzo Estrasburgon eskaintako prentsaurrekoa.

Gorka Knörrrek EUSKALDUN EGUNKARIA-ri azaldukoaren arabera, «Trebiñoko ordezkariak euren arazoa azaldu zuten, EBtik nekazal garapenerako jaso beharreko laguntzen zain daudela, alegia». Horren ostean, eurodiputatuak gaur bigarren bilera bat egitea erabaki zuten, arazo horri aterabidea bilatzeko asmotan.

«11:30tan bilduko gara eta aztertuko dugu Europako Parlamentuan eskaera bat egitea. Gure asmoa da Parlamentuari eskatzea hemengo

goi funtzionario bat Trebiñora bidaltzeko eskatzea, eta han Trebiñoko, EAEko eta Gaztela-Leongo ordezkariak hitz egin dezala arazoa bertatik aztertu ahal izateko», azaldu zuen Gorka Knörrrek. Horren helburua «Trebiñoko herritarren nahia eta Europako Batasuneko programak uztartzeko bidea» aurkitzea litzateke. «Pentsatzen dugu horrek lagunduko duela soluzio politiko bat bilatzen», adierazi zuen.

Knörrrek arabera, «Trebiñokoak itxaropentsu azaldu

ziren bileraren ostean», eta EAKo eurodiputatuak berak ere onartu zuen «itxaropentsu zegoela».

Trebiñoko ordezkariak, bestalde, honela azaldu zuten euren asmoa bileraren ondotik: «Deialdia egin nahi genuen, Estrasburgotik EAE eta Trebiño elkartzeko bidea bilatu zezaten. Azken batean, EAE eta Trebiño autonomia ezberdinak izanik ere, bi herriak batera bizi baitira eta bietan bizi den errealtate kulturala eta soziala ere oso antzekoak baitira».

Legutioko zinegotzi presoari gaur Zuiako Koadrilaren eraketan egotea ukatu diote

■ Koadrila horretako batzarkide gisa duen eskubide bat dela salatu du EHk

Erredakzioa / Gasteiz

ARABAKO EH taldeak Espetxe Erakundearen jarrera salatu zuten atzo. Izan ere, gaur Zuiako Koadrila osatuko da, eta Jose Antonio Hernandez Legutioko zinegotzi presoaren koadrila horretako batzarkide hautatu zuten iragan ekainaren 13an. Espetxe Erakundeak, baina, ezeko erantzuna eman diote presoari bihar Zuiako egotea eskaerari.

«Espetxe Erakundeak berriro ere hautetsi presoaren eskubideak urratzen dituzte», adierazi zuen atzo EHk, hedabideetara igorritako prentsa ohar baten bitartez. Izan ere, EHk uste du Espetxe Erakundeak Espainiako Barne Ministerioaren aginduak bete baino ez dutela egiten.

Hori dela-eta, Jose Antonio Hernandez eta gainontzeko hautetsi presoaren eskubideak ez direla «errespetatzen» salatzen, Arabako Euskal Herriarrok taldeak kontzentrazio baterako deialdia egin du. Kontzentrazioa gaur arratsaldeko 19:00tan egingo dute Zuiako udaletxearen kanpoan, *Euskal Presoak Euskal Herrira* lelopean.

Ogra Sinn Fein-ek lurralde zatiketa gainditzeko izan duen ahalmena adibidetzat jo du Jarraik

■ Jarraiko ordezkari bat Dublinoan izan da gazte erakundearen kongresuan

Erredakzioa / Donostia

JARRAI gazte erakundeko bi kide eta Gazteriakoko beste bat Dublinoan izan dira iragan asteburuan, Sinn Fein alderdiko gazte erakundearen urteroko kongresuan. Euskal Herriko gazte taldeak ohorezko gonbidatu izan dira Ogra Sinn Fein taldearen Kongresuan, atzo Igor Suberbiola Jarraiko kideak EGUNKARIA-ri jakinarazi zionez. Euskal Herriko egoeraren azalpena ere egin zuten, Gazteriak taldeko kidearen ahotik.


«Euskal gaztediak badu zer ikasirik Ogra Sinn Fein talde-

aren lanetik. Izan ere, Hego eta Ipar Irlandako zatiketa gaindituz, Ogra Sinn Feinneko antolakunde nazional bat izatea lortu du eta beraien dinamika ere guztiz nazionala da», adierazi zuen Suberbiolak, Kongresutik ateratutako ondorioak azaltzerakoan. Euskal Herriko gazteek ere gauza bera egin beharko luketeela adierazi zuen, egun dauden muga psikologiko, ideologiko eta politikoak gainditzeko «erronka handi bat» dela gaineratuz.

Bestalde, Suberbiolak azaldu zuen Ogra Sinn Feinek eztabaidatutako ponentzia

batetan Euskal Herriko gazte mugimenduari egin zitzaizkion erreferentzia: «Nazioarteko harremanetaz hitz egiten dutenean, idatziz aipatzen dute euskal gazte mugimendua dutela Irlandako gazte mugimendua osatzerakoan irakasle eta eredu».

Ogra Sinn Feinen Kongresuan bi gazte mugimenduen proiektu politikoaren parekotasunak aipatu zituzten, bai Irlanda eta bai Euskal Herriak bizi duten egoera berria kontuan hartuz. «Bi erakundearen proiektu politikoak funtsean bera da, independentzia eta sozialismoa-



Jarraiko kideak Gerry Adamsekin, Ogra Sinn Feinen Kongresuan.

ren defentsa. Eta orain, gure nazioen etorkizuna jokoan dugun honetan, gazte erakundearen indarrak biderkatzearen beharraz ados azaldu gara», adierazi zuen Jarraiko kideak.

Bi erakundeak, bestetik, aho batez esan dute ezin dela «onartu» irekitako prozesuek atzera egitea, «urteetako borroka horretan gazteek pairatu baitituzte gatazkaren ondorio larriak».